

архистратиг божии Михаил: «Стани, недостоин бо еси тамо отити». Аз же стах. И рече мне: «Поклонися престолу величества божия». Аз же прекрестихся и поклонихся, яко же повелено ми⁶⁵ ко свету оному, его же видех на небеси. И по сем архистратиг божии, обрати лице свое к земле и сниде на землю низу. Аз же вослед его идох. И абие разступися земля, и внидохом в ню, и доидохом до воды, яже под землею, и вода такожде разступися пред ним. Под водою же приидохом⁶⁶ в места некая⁶⁷ темная зело. В них же мнех зрети свет точию от светлости архангеловы. И видех тамо, яко же улицы и полаты⁶⁸ некия. И в некую⁶⁹ во едину⁷⁰ от них внидох, яко в проходную полату, по обема странама имуща окна. На едино же от окон воззрех⁷¹ очима своима⁷² Михаил, и абие разтворися окно, и изыде из него огнь⁷³ горя пламенем, яко гром⁷⁴ зело страшен.⁷⁵ И глагола мне архангел Михаил: «Се есть место, иде же повеле тебе быти праведный судия Христос бог до втораго его пришествия».

Аз же сия услышав от него, зело вострепетах и убояхся⁷⁶ страхом великим объят бых. Припадох к ногама его и глаголах ему: «Господи мой, великий архистратиге⁷⁷ Михаиле, возможно⁷⁸ ли есть⁷⁹ грешному покаятися, и избыти⁸⁰ сея огненной⁸¹ муки». Он же се⁸² слышав, умолче, и отвратися лицем своим от мене, и⁸³ возвед очи свои выспрь,⁸⁴ и абие разступися вода и земля горе,⁸⁵ разступишася же⁸⁶ облацы и твердь и воды, яже выспрь, и⁸⁷ небеса якоже трубою вверх. Архангел же горе зря, такоже и аз воззрех, и видех⁸⁸ вверх, яко⁸⁹ трубою, даже до онаго⁹⁰ неизреченнаго света, его же прежде на небеси видех, не слышах же его глаголюща что.⁹¹ И паки⁹² обрати лице свое ко мне⁹³ Михаил архангел⁹⁴ и⁹⁵ глагола ми:⁹⁶ «Милостив тебе бысть праведный судия⁹⁷ и се || дал тебе⁹⁸ сохрани ти⁹⁹ заповеди сия: престати от нечистоты, не пити вина, не пити табаку. Аще сия сохраниши, избавлен будеши от муки сея». Аз же с радостию великою и с клятвою обещахся сохрани ти, и поклонихся до земли. Он же глагола: «Последствуй ми». И поидохом от тоя страны.¹⁰⁰ А III, 1 се на другой стране тоя же улицы, яко полата² же и окна имущи. Михаил же возрев на едино³ от них окно,⁴ и излился из него смола со огнем. И ничто же архангел глагола, проидохом мимо, яко же улицею. И разступися вода и земля, и изыдохом по тому же пути вверх, им же прежде снидохом в землю. И тако възыдохом на землю. И внезапно обретохомся на месте, иде же тело мое грешное лежаше. И глагола ми архангел: «Сохраниши ли заповеди,⁵ их же⁶ рекох». ⁷ Аз же паки глаголах ему: «Еи господи мой сохраню, точию, помилуй мя». И начах || его молити, дабы обещание мое давное⁸ исполнити: ити помолитися в Соловки⁹ преподобным отцем Зосиме и Саватию и ко гробом их поклонитися. Такожде и на Кострому, к чудотворному образу пресвятыя богородицы помолитися. И внегда глаголющу ми сия,¹⁰ внезапно обретеса ту близ¹¹ блаженный Тимофей стоя,¹² иже Христа ради уродствую¹³ живой¹⁴ на Кулишках в Москве. К нему же глагола¹⁵ архистратиг божий: ¹⁶ «Рабе Христов¹⁷ Тимофее, иди

⁶⁵ Доб. бысть УЯ; есть Ц. ⁶⁶⁻⁶⁷ некая места Я. ⁶⁸ храмины У. ⁶⁹⁻⁷⁰ Нет Я. ⁷¹⁻⁷² своима очима Я. ⁷² Доб. архистратиг У. ⁷³ Нет У. ⁷⁴⁻⁷⁵ страшен зело Я. ⁷⁶ Доб. и У. ⁷⁷ Доб. божии У. ⁷⁸ невозможно Я. ⁷⁹ Доб. мне У. ⁸⁰⁻⁸¹ огненные сея У. ⁸² Нет Ц. ⁸³ Нет УЦ. ⁸⁴ Доб. на небо Я. ⁸⁵⁻⁸⁶ раступиша же ся Я. ⁸⁷ Нет Я. ⁸⁸⁻⁸⁹ Нет Я. ⁹⁰ облак Я. ⁹¹⁻⁹² Но У. ⁹³⁻⁹⁴ архангел Михаил У. ⁹⁵ Нет Я. ⁹⁶ мне УЯ. ⁹⁷ Доб. господь У. ⁹⁸ ти УЯ. ⁹⁹ Доб. три У. ¹⁰⁰ храмины У; полаты Я. ³⁻⁴ окно от них Я. ⁵⁻⁶ иже Я. ⁷ Доб. ти У. ⁸ данное Ц. ⁹ Доб. к Я. ¹⁰ Доб. ко архангелу У. ¹¹⁻¹² стоя блаженный Тимофей У. ¹³ юродствую У; юродивый Я. ¹⁴ у всех святых живущ У; доб. у всех святых Я. ¹⁵ рече У. ¹⁶ Доб. Михаил У. ¹⁷ божий У.